

Broj: UP1-06-13-1-153-6/23
Mostar, 19.12.2023. godine

Na osnovu člana 19. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 17. i člana 35. stav (1) tačka c) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16, 82/21 i 1/23), postupajući po Zahtjevu za izmjenu i dopunu dozvole za rad (licence) broj UP1-06-13-1-153-1/23 od 25.8.2023. godine podnosioca zahtjeva d.o.o. „BAREL“ Cazin, Ćoralići bb, Cazin, zastupanog po zakonskom zastupniku Alminu Hodžiću, u postupku izmjene i dopune Dozvole za rad (licence) za transport naftnih derivata drumskim saobraćajem broj UP1-06-13-1-198-1/21, Regulatorna komisija za energiju u Federaciji Bosne i Hercegovine – FERK je 19.12.2023. godine na XXIX redovnoj sjednici donijela sljedeće

RJEŠENJE

1. Dozvola za rad (licenca) za transport naftnih derivata drumskim saobraćajem broj UP1-06-13-1-198-1/21 izdata Rješenjem broj UP1-06-13-1-198-7/21 od 11.11.2021. godine imaocu dozvole d.o.o. „BAREL“ Cazin mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 10.11.2026. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Ovo rješenje je konačno, te se objavljuje na službenoj internet stranici FERK-a.

O b r a z l o ž e n j e

Dana 25.8.2023. godine FERK je pod brojem UP1-06-13-1-153-1/23 od podnosioca d.o.o. „BAREL“ Cazin primio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za transport naftnih derivata drumskim saobraćajem broj UP1-06-13-1-198-1/21 radi promjene vezane za broj transportnih jedinica potrebnih za obavljanje licencirane djelatnosti za koju je postojeća dozvola za rad (licenca) izdata.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), primljeni zahtjev je pregledan u skladu sa članom 12., članom 19. i članom 22. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, u skladu sa članom 10. stav (3) i stav (4) Pravilnika o javnim raspravama i rješavanju zahtjeva, sporova i žalbi i članom 12. stav (3) i stav (4) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 29.8.2023. godine pod brojem UP1-06-13-1-153-2/23 uputio Obavještenje o nedostacima podnesenog Zahtjeva za izmjenu i dopunu dozvole za rad (licence) za transport naftnih derivata drumskim saobraćajem i odredio mu rok od osam dana radi otklanjanja uočenih nedostataka navedenih u obavještenju. Postupajući po navedenom obavještenju, podnosilac zahtjeva je dostavio dopise primljene u FERK 8.12.2023. godine pod brojem UP1-06-13-1-153-3/23, 12.12.2023. godine pod brojem UP1-06-13-1-153-4/23 i 18.12.2023. godine pod brojem UP1-06-13-1-153-5/23 uz koje je dostavio traženu dokumentaciju, a na osnovu čega je FERK utvrdio da je podneseni zahtjev potpun.

S obzirom na to da su uz Zahtjev za izmjenu i dopunu dozvole za rad (licence) navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 21. Zakona o naftnim derivatima u Federaciji Bosne i Hercegovine odnosno iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je utvrdio da su ispunjeni uslovi za primjenu odredbe člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Na osnovu obrade Zahtjeva za izmjenu i dopunu dozvole za rad (licence) broj UP1-06-13-1-153-1/23 od 25.8.2023. godine podnosioca d.o.o. „BAREL“ Cazin i dokumentacije priložene uz zahtjev, izvršena je izmjena i dopuna Dozvole za rad (licence) za transport naftnih derivata drumskim saobraćajem broj UP1-06-13-1-198-1/21, radi promjene vezane za broj transportnih jedinica potrebnih za obavljanje licencirane djelatnosti za koju je postojeća dozvola za rad (licenca) izdata. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, sa tim da su period važenja dozvole za rad (licence) kao i njeni uslovi ostali nepromijenjeni. Postavljeni uslovi uvažavaju potrebu, ali i obavezu d.o.o. „BAREL“ Cazin da u rokovima propisanim u uslovima dozvole za rad (licence) za transport naftnih derivata drumskim saobraćajem iste ispuni, u cilju zadovoljavanja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSEDAVAJUĆEG FERK-a
Jasmin Bešo, s.r.